



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

IV. Emersit per Gallias alia Collectio sub nomine Capitulorum Hadriani Papæ, unde aliqua transcripta in collectionem Isidori. quæ apud Gallos auctoritate canonica non vigebat, ætate Hincmari.

urn:nbn:de:hbz:466:1-15591

Capit. I. c.
170. 181. 187. 189
145.
data fuisse verba epistolarum illarum De-
cretalium, & earum auctoritatem usurpa-
tam, probant tres ultimi capitularium li-
ibri: quos è scriniis Ecclesiæ Moguntiacen-
sis in unum corpus compegit Benedictus Le-
vita, iussu Autgari ejus Ecclesiæ Episcopi,
eisque Lothario, Ludovico, & Carolo no-
bilissimis Regibus filiis Ludovici Pij inscrip-
fit circa annum octingentesimum quinqua-
gesimum. In iis libris passim è Clementis,
Anacleti, Pij, Evaristi, Fabiani, & cere-
torum Pontificum apocryphis epistolis,
quamvis suppresso auctorum nomine, au-
ctoritas petitur, quod usurpatum etiam ab
auctoriis Additionum que libris capitula-
rium adjunctæ sunt. Quin & Hincmarus
ipse Anacleti, Evaristi, Fabiani, Stephani,
Lucij, Alexandri, Pij, Callisti, Iulij,
Melchiadis testimonii aperte usus est in
epistolis suis & aliis opusculis.

I V. Non solum autem Isidori collectio
Riculfi tempestate emerit, sed alia etiam
collectio, quæ sub nomine Capitulorum
Hadriani Papæ per Gallias ab Ingilrammo
Metensi Episcopo anno D C C L X X V. di-
ulgata est. Ex his Capitulis quædam in epi-
stolas Pontificum, qui eas interpolavit, ip-
sis verbis transcripsit. imò & ipsæ Capitula-
rium Additiones, Capitulis Hadriani aliquoties utuntur.

Attamen observandum est, etsi Gallica-
nae synodi veterum Pontificum nominibus
perfrictæ, selectis sententiis epistolarum
ejusmodi uterentur, collectionem Ingilram-
ni aut Isidori non recepisse in canonum
censum, ut restatur Hincmarus Remensis in
Opusculo quo Hincmarum Laudunensem
refellit, qui ex illis epistolis collectio-
nem privatam ad usum Ecclesiæ sua consue-
rat. De Capitulis enim Hadriani ita cen-
set: *De sententiis que dicuntur ex Grecis & La-
tinis canonibus & Synodis Romanis atque Decre-
tis Presulum ac Ducum Romanorum collecte ab
Hadriano Papa, & ab Engelrammo Metensi
Episcopo date, quando pro sui negotiis causa
agebatur, quam dissonæ inter se habeantur, qui
legit, satis intelligit, & quam diverse à sacris
canonibus, & quam discrepantes in quibusdam
ab ecclesiasticis judicis habeantur.*

V. Quid autem de veterum Pontificum
epistolis sentiret, apertissime ostendit eo-
dem loco. Docet enim ex Innocentij, Leo-
nis, & Gelasij receptis decretis, accurate
servanda quæ canonos Conciliorum prescri-
bunt; à quibus tamen discederetur, si varia
capita controversis epistolis comprehensa
servarentur, quæ adversa sunt canonibus:
qui posteriores cum sint iis epistolis, illis,
utpote prioribus, derogare censendi sunt.

Vnde tandem orationem suam hac defini-
tione concludit, honorem quidem iis epi-
stolis deberi ob dignitatem auctorum quo-
rum nomina præferunt; sed Concilia ser-
vanda, quorum decreta universalis Eccle-
sia & sedes apostolica custodit: *Tu hac dis-
cretione, inquit, ut premis ex verbis Gelasij,
fusce ad instructionem illas epistolas quas
beatissimi Pape diversis temporibus ab urbe
Roma pro diversorum patrum consolatione deder-
unt legendas, Venerabiliter, & serva sacra
Concilia, que sedes apostolica & omnis sequitur
Ecclesia, Inviolabiliter.* Vberius quæstionem
istam exequitur, cum Laudunensis Hinc-
mari verba refellit: qui prolatis Anacleti,
Victoris, Callisti, & Eleutheri testimoniis,
his verbis usus erat ad Hincmarum Remen-
sem: *Ecce, Pater, qui canones recipiendi, ve-
nerandi, ac observandi habeantur. Excipit
Hincmarus noster: Si isti sunt canones reci-
piendi, venerandi, ac observandi, quos commem-
orasti; qui sunt illi quos & apostolica sedes &
omnes Episcopi per universum orbem à prime
sedis apostolice Pontifice usque ad illum qui
modo novissime etiam post te effordinatus Epi-
scopus, imò & omnis catholica Ecclesia, cano-
nes appellant? Quique à Niceno Concilio, quod
primum in nostris codicibus quos ab apostolica
sede majores nostri acceperunt, sequendos per
ordinem, usque ad Africanum Concilium, pro
canonibus recipiendis, venerandis, & observan-
dis, retinet; & Innocentius, Zozimus, &
ceteri quique observandos canones nominant.
Inter quos & istas epistolas apostolice sedis Pon-
tificum, quas canones appellas, Gelasius, ut
suprà posus, differentiam facit; & illa Concilia
canonum observanda decrevit, has autem epi-
stolas pro consolatione quorundam directas, ve-
nerabiliter suscipiendas dicit. Quod iterum
confirmat in epistola quam retulit Flodoardus
aucto Historia Remensis. Ex isto
Hincmari loco discimus, apud Episcopos
Ecclesiæ Gallicane solum codicem cano-
num ex collectione Dionysij Exigui, quem
superioribus verbis descripsit, circa annum
D C C C L X X . auctoritatem obtinuisse; epi-
stolas verò contentas in Collectione Isidori,
non repudiatas quidem ab Episcopis, quia
de falsitate illarum nondum constabat, sed
in auctoritatem canonum non fuisse recep-
tas. Quia in re præjudicio Leonis IV. ute-
bantur, qui has epistolas Decretales in ca-
none non recensebat, ut monui capite su-
periiori §. v.*

VI. Contenderat tamen Nicolaus literis
ad universos Galliæ Episcopos datis anno
D C C C L X V. ut Decreta illa reciperentur,
& magno conatu Gallicanorum Episcopo-
rum argumenta repulérat. Excipiebant

Hincm. in Opus.
Op. 14.

Flodoardus lib. 3.
Hist Rem. cap. 22.

Nicolaus ep. 42.